

- (original ili fotokopija ovjerena od nadležnog organa - općina/notar);
- e) Uvjerjenje Uprave za indirektno/neizravno oporezivanje BiH o izmirenim indirektnim porezima ne starije od 30 dana (original ili fotokopija ovjerena od nadležnog organa - općina/notar), izuzev ako je podnosilac prijave dostavio uvjerenje Uprave za indirektno/neizravno oporezivanje da isti nije upisan u Jedinstveni registar obveznika indirektnih poreza iz podtačke c) ove tačke;
- f) Izjavu ovlaštenog lica odabranog podnosioca prijave, u originalu (Prilog 4. Javnog poziva), ovjerenu potpisom ovlaštenog lica, te dodatno ovjerenu od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
- i. da se protiv njega ne vodi krivični postupak i da nije pravosnažno osuđen za počinjenje krivičnog djela i/ili privredni prijestup,
  - ii. da odabrani podnosilac prijave u kojem je ovlašteno lice nije predmet stečajnog ili likvidacionog postupka ili da ovaj odabrani podnosilac prijave nije obustavio poslovnu djelatnost,
  - iii. da do dana zaključivanja ugovora o dodjeli poticajnih sredstava po ovom Javnom pozivu odabrani podnosilac prijave u kojem je ovlašteno lice, kao ni vlasnik/osnivač odabranog podnosioca prijave nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava. Javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti iz biznis plana odabranog podnosioca prijave, odnosno da nisu zaključili ugovor o dodjeli grant sredstava koja potiču iz prednje navedenih izvora,
  - iv. da je saglasan da Ministarstvo privrede Kantona Sarajevo može obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", broj 49/06, 76/11 i 89/11);
- g) Bjanko ovjerenu mjenicu (original);
- h) Mjениčnu izjavu popunjenu u štampanoj formi (Prilog 5. Javnog poziva) (original).

Ukoliko korisnici poticajnih sredstava (subjekt male privrede) navedeni u tački I ove odluke ne dostave dokumentaciju kako je to propisano u tački IV ove odluke, najkasnije do 01.12.2024. godine, bit će isključeni iz procesa dodjele poticajnih sredstava.

Krajnji rok za zaključivanje ugovora sa odabranim korisnicima, koji u predviđenom roku dostave dokumentaciju kako je to propisano ovom tačkom je 31.12.2024. godine.

#### V

Zadužuje se Javna ustanova "Centar za napredne tehnologije u Sarajevu" sa sjedištem kako je navedeno u tački I ove odluke da sa korisnicima poticajnih sredstava iz tačke I ove

odluke zaključi Ugovor o zakupu poslovnog prostora, bez naknade.

Ugovor se zaključuje na period od 1 (jedne) godine, a koji rok se računa od dana zaključivanja ugovora između Ministarstva privrede Kantona Sarajevo i poslovnih subjekata u vlasništvu izabranih korisnika iz tačke I ove odluke ukoliko izabrani korisnici dostave svu dokumentaciju u roku kako je navedeno u tački III i IV odluke.

Rok za zaključenje ugovora o zakupu, bez naknade je 10 (deset) dana računajući od dana zaprimanja ove odluke.

#### VI

Pored tražene dokumentacije navedene u tački III i IV ove odluke, Ministarstvo privrede Kantona Sarajevo prije i poslije zaključivanja ugovora o dodjeli poticajnih sredstava iz tačke I ove odluke, ima pravo tražiti i dodatnu dokumentaciju, ukoliko to bude cijenilo potrebnim, za svakog pojedinačnog korisnika sredstava.

#### VII

Svi detalji i pravila korištenja poticajnih sredstava iz tačke I ove Odluke (prava i obaveze ugovornih strana) bit će definisani ugovorima koji će biti zaključeni sa odabranim korisnicima poticajnih sredstava iz tačke I ove odluke koji dostave dokumentaciju kako je to propisano tačkom III i IV ove odluke.

#### VIII

Ovlašćuje se Ministar privrede Kantona Sarajevo da zaključi pojedinačni ugovor sa svakim od korisnika sredstava iz tačke I ove odluke, koji su ispunili uvjete iz odredbi ove odluke.

#### IX

Za realizaciju ove odluke zadužuju se Ministarstvo privrede Kantona Sarajevo, Ministarstvo finansija Kantona Sarajevo i Javna ustanova "Centar za napredne tehnologije u Sarajevu", svako u okviru svojih nadležnosti.

#### X

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-45314-3/24  
30. septembra 2024. godine  
Sarajevo

Premijer  
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), član 19. stav (1) alineja 3), 21. stav (4) i (5), 22., 23., 30. stav (1) i (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09, 44/10 i 30/16) i Poglavlja II tačka 3. i 4. Procedura zaduživanja Kantona Sarajevo na osnovu vanjskog i unutrašnjeg duga i izdavanja garancija ("Službene novine Kantona Sarajevo", broj 10/11 i 7/19), Vlada Kantona Sarajevo, na 44. sjednici održanoj 03.10.2024. godine, donijela je

### ODLUKU

#### O DUGOROČNOM KREDITNOM ZADUŽENJU KANTONA SARAJEVO

#### I

Kanton Sarajevo zadužuje se dugoročnim kreditom u iznosu 49.216.600 KM, od čega za iznos 39.116.600 KM sa valutnom klauzom EUR, u formi direktnog unutrašnjeg duga, kako slijedi:

- a) NLB BANKA d.d. Sarajevo 2.400.000 KM

- b) UNICREDIT BANK d.d. Mostar 39.116.600 KM  
 c) BOSNA BANK INTERNATIONAL d.d. Sarajevo 3.200.000 KM  
 d) UNION BANKA d.d. Sarajevo. 1.500.000 KM  
 e) ASA BANKA d.d. Sarajevo 3.000.000 KM

## II

Kreditna sredstva iz tačke I ove odluke namijenjena su za potrebe finansiranja dijela kapitalnih projekata, a prema članu 4. Budžeta Kantona Sarajevo za 2024. godinu ("Službene novine Kantona Sarajevo", broj 55/23), i to:

| OPIS   | Iznos zaduženja za Javni poziv 2024. godine (KM) |
|--|--|
| <b>Kantonalni sud u Sarajevu</b>   | <b>145.000,00</b>                                |
| Nabavka opreme   | 145.000,00                                       |
| <b>Općinski Sud Sarajevo</b>   | <b>450.000,00</b>                                |
| Nabavka opreme   | 450.000,00                                       |
| <b>Kantonalno tužilaštvo Kantona Sarajevo</b>  | <b>100.000,00</b>                                |
| Nabavka opreme   | 100.000,00                                       |
| <b>Ministarstvo za boračka pitanja Kantona Sarajevo</b>  | <b>4.126.981,08</b>                              |
| Kupovina stanova u vlasništvo za boračku populaciju  | 2.126.981,08                                     |
| Uređenje kasarne Zmajevac  | 2.000.000,00                                     |
| <b>Javna ustanova "Fond Memorijala Kantona Sarajevo"</b>   | <b>7.151.500,00</b>                              |
| Sredstva za šehidska groblja i groblja poginulih boraca  | 2.700.000,00                                     |
| Nabavka opreme za Fond Memorijala  | 951.500,00                                       |
| Sanacija i rekonstrukcija spomen obilježja, memorijalnih i spomeničkih kompleksa                           | 3.500.000,00                                     |
| <b>Uprava policije</b>   | <b>3.900.824,00</b>                              |
| Nabavka opreme   | 2.400.000,00                                     |
| Nabavka radarskih sistema  | 1.500.824,00                                     |
| <b>Ministarstvo privrede Kantona Sarajevo</b>  | <b>8.977.294,92</b>                              |
| Infrastrukturno uređenje i rješavanje imovinsko-pravnih odnosa u poslovnim zonama KS                       | 2.977.294,92                                     |
| Podrška projektima ZOI 84 Olimpijski centar Sarajevo d.o.o.  | 4.500.000,00                                     |
| Projekat opremanja prihvatilišta pasa lutilica   | 1.500.000,00                                     |
| <b>Ministarstvo zdravstva Kantona Sarajevo</b>   | <b>6.040.000,00</b>                              |
| Kupovina nove medicinske i nemedicinske opreme za potrebe JU Dom zdravlja KS                               | 1.350.000,00                                     |
| Rekonstrukcija i sanacija centralnih i ambulantnih objekata u JU Dom zdravlja Kantona Sarajevo             | 1.000.000,00                                     |
| Nabavka kardiomobila sa medicinskom opremom za potrebe JU Zavod za hitnu medicinsku pomoć Kantona Sarajevo | 250.000,00                                       |
| Nabavka medicinske opreme za potrebe JU Zavod za javno zdravstvo Kantona Sarajevo                          | 196.000,00                                       |
| Nabavka opreme za potrebe JU Zavod za zdravstvenu zaštitu žena i materinstva KS                            | 350.000,00                                       |
| Nabavka opreme za digitalizaciju patohistologije u KCUS  | 1.724.000,00                                     |
| Nabavka opreme za digitalizaciju patohistologije u Opća bolnica  | 820.000,00                                       |
| Nabavka oftamološke mikroskopa za opću bolnicu   | 150.000,00                                       |
| Nabavka stuba za laproskopiju za opću bolnicu  | 200.000,00                                       |
| <b>Ministarstvo za odgoj i obrazovanje Kantona Sarajevo</b>  | <b>700.000,00</b>                                |
| Dogradnja OS Izet Šabić  | 700.000,00                                       |
| <b>Ministarstvo kulture i sporta Kantona Sarajevo</b>  | <b>10.840.000,00</b>                             |
| Kapitalni transferi Gradu i općinama iz oblasti kulture  | 2.600.000,00                                     |
| Kapitalni transferi Gradu i općinama iz oblasti sporta   | 7.240.000,00                                     |
| Nabavka audio vizuelne opreme za pozorišta   | 1.000.000,00                                     |
| <b>Kantonalna javna ustanova-Porodično savjetovalište</b>  | <b>50.000,00</b>                                 |
| Nabavka opreme   | 50.000,00  |
| <b>Zavod za izgradnju Kantona Sarajevo</b>   | <b>235.000,00</b>                                |
| Nabavka opreme - namještaj i računari  | 100.000,00                                       |
| Nabavka opreme - vozila  | 135.000,00                                       |
| <b>Ministarstvo komunalne privrede, infrastrukture,</b>  | <b>6.500.000,00</b>                              |

| prostornog uređenja, građenja i zaštite okoliša Kantona Sarajevo                      |                      |
|---|----------------------|
| Izgradnja i rekonstrukcija komunalnih objekata i infrastrukture kojim upravljaju KJKP | 4.000.000,00         |
| Nabavka opreme za KJKP  | 2.200.000,00         |
| Centar za upravljanje kvalitetom komunalnih usluga                                    | 300.000,00           |
| <b>SVEUKUPNO</b>  | <b>49.216.600,00</b> |

## III

Kreditna sredstva odobrena su pod sljedećim uslovima, i to: NLB Banka d.d. Sarajevo:

- iznos kredita: **2.400.000 KM**
- visina kamatne stope: 3,75%, na godišnjem nivou
- visina naknade: 0,50%
- visina kamatne stope i naknade (ukupno EKS): 3,96%
- vrsta kamatne stope: fiksna
- rok otplate kredita: 10 godina, sa uključene dvije godine grace perioda

UniCredit Bank d.d. Mostar:

- iznos kredita: **39.116.600 KM/20.000.000 EUR** (kurs EUR 1,95583 na dan odobrenja kredita utvrđenog Zakonom o Centralnoj banci Bosne i Hercegovine)
- visina kamatne stope: 4,20% na godišnjem nivou
- visina naknade: 0,10%
- visina kamatne stope i naknade (ukupno EKS): 4,22%
- vrsta kamatne stope: fiksna
- rok otplate kredita: 10 godina, sa uključene dvije godine grace perioda

Bosna Bank International d.d. Sarajevo:

- iznos kredita: **3.200.000 KM**
- visina kamatne stope: 4,33% na godišnjem nivou
- visina naknade: 0,0%
- visina kamatne stope i naknade (ukupno EKS): 4,40%
- vrsta kamatne stope: fiksna
- rok otplate kredita: 10 godina, sa uključene dvije godine grace perioda

Union banka d.d. Sarajevo:

- iznos kredita: **1.500.000 KM**
- visina kamatne stope: 4,30% na godišnjem nivou
- visina naknade: 0,50%
- visina kamatne stope i naknade (ukupno EKS): 4,47%
- vrsta kamatne stope: fiksna
- rok otplate kredita: 10 godina, sa uključene dvije godine grace perioda

ASA Banka d.d. Sarajevo:

- iznos kredita: **3.000.000 KM**
- visina kamatne stope: 4,40% na godišnjem nivou
- visina naknade: 0,25%
- visina kamatne stope i naknade (ukupno EKS): 4,49%
- vrsta kamatne stope: fiksna
- rok otplate kredita: 10 godina, sa uključene dvije godine grace perioda

## IV

Zaduženje se vrši uz poštivanje odredbi člana 7. Zakona o dugu, zaduživanju i garancijama u Federaciji Bosne i Hercegovine i u okviru ograničenja duga utvrđenog Zakonom o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23).

## V

Daje se saglasnost Ministarstvu finansija Kantona Sarajevo da zaključi ugovore o dugoročnom kreditnom zaduženju sa NLB Banka d.d. Sarajevo, UniCredit Bank d.d. Mostar, Bosna Bank International d.d. Sarajevo, Union banka d.d. Sarajevo, ASA

Banka d.d. Sarajevo pod uslovima iz tačke III ove odluke, uz preciziranje projekata.

Ovlašćuje se Ministar finansija Kantona Sarajevo da potpiše ugovore o dugoročnom kreditnom zaduženju između Kantona Sarajevo i banaka, kao i instrumente obezbjeđenja kredita koji proizilaze iz ugovora.

#### VI

Sredstva za servisiranje kredita iz tačke I ove odluke, obezbijedit će se u budžetima Kantona Sarajevo svake godine, za cijeli period trajanja obaveze.

#### VII

Kanton Sarajevo će izdati bjanko ovjerene i potpisane mjenice sa ovlaštenjem za popunu kao instrument obezbjeđenja kredita, a u skladu sa ugovorima iz tačke V ove odluke.

#### VIII

Za realizaciju ove odluke i izvještavanje zadužuju se Kantonalni sud u Sarajevu, Općinski sud u Sarajevu, Kantonalno tužilaštvo Kantona Sarajevo, Ministarstvo za boračka pitanja Kantona Sarajevo, Javna ustanova "Memorijalni centar Sarajevo", Ministarstvo unutrašnjih poslova Kantona Sarajevo - Uprava policije, Ministarstvo privrede Kantona Sarajevo, Ministarstvo zdravstva Kantona Sarajevo, Ministarstvo za odgoj i obrazovanje Kantona Sarajevo, Ministarstvo kulture i sporta Kantona Sarajevo, Kantonalna javna ustanova Porodično savjetovalište, Zavod za izgradnju Kantona Sarajevo, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Ministarstvo finansija Kantona Sarajevo, svako u okviru svoje nadležnosti.

#### IX

Ministar finansija Kantona Sarajevo će Vladi Kantona Sarajevo dostaviti izvještaj o nastaloj obavezi najkasnije u roku od 30 (trideset) dana od dana zaduženja.

#### X

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-45613-5/24

03. oktobra 2024. godine

Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa tačkom 1. Zaključka Vlade Kantona Sarajevo broj 02-04-53347-52/23 od 28.12.2023. godine, Vlada Kantona Sarajevo, na 44. sjednici održanoj 03.10.2024. godine, donijela je

#### ODLUKU

### O DAVANJU SAGLASNOSTI KANTONALNOJ JAVNOJ USTANOVI "ODGOJNI CENTAR KANTONA SARAJEVO" ZA POPUNU UPRAŽNJENIH RADNIH MJESTA NA NEODREĐENO VRIJEME

#### I

Daje se saglasnost Kantonalnoj javnoj ustanovi "Odgojni centar Kantona Sarajevo" za popunu upražnjenih radnih mjesta na neodređeno vrijeme, u skladu sa Uredbom o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21, 10/22, 28/23 i 32/24), i to:

1. Stručni saradnik - odgajatelj u Službi za resocijalizaciju - jedan (1) izvršilac;

2. Viši stručni saradnik - odgajatelj u Službi za dijagnostiku i opservaciju - jedan (1) izvršilac;
3. Viši stručni saradnik - odgajatelj u Službi za zbrinjavanje djece u stanju potrebe - jedan (1) izvršilac;
4. Stručni saradnik za preventivni rad u Službi za preventivni rad - jedan (1) izvršilac;
5. Spremačica u Službi za opšte i zajedničke poslove - dva (2) izvršioca.

#### II

Za realizaciju ove odluke zadužuju se Ministarstvo za rad, socijalnu politiku, raseljena lica i izbjeglice Kantona Sarajevo i Kantonalna javna ustanova "Odgojni centar Kantona Sarajevo", svako u okviru svoje nadležnosti.

#### III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-45613-7/24

03. oktobra 2024. godine  
Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 18. Odluke o osnivanju Kantonalne javne ustanove za zaštićena prirodna područja ("Službene novine Kantona Sarajevo", broj 31/17), Vlada Kantona Sarajevo, na 44. sjednici održanoj 03.10.2024. godine, donijela je

#### ODLUKU

### O DAVANJU SAGLASNOSTI NA PRAVILNIK O IZMJENAMA I DOPUNAMA PRAVILNIKA O RADU KANTONALNE JAVNE USTANOVE ZA ZAŠTIĆENA PRIRODNA PODRUČJA KANTONA SARAJEVO BROJ 01-731/24 OD 22.07.2024. GODINE

#### I

Daje se saglasnost na Pravilnik o izmjenama i dopunama Pravilnika o radu Kantonalne javne ustanove za zaštićena prirodna područja Kantona Sarajevo broj 01-731/24 od 22.07.2024. godine.

#### II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-45613-6/24

03. oktobra 2024. godine  
Sarajevo

Premijer

Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 31. stav (1) Zakona o visokom obrazovanju ("Službene novine Kantona Sarajevo", broj 36/22), Vlada Kantona Sarajevo, na 62. vanrednoj sjednici održanoj 03.10.2024. godine, donijela je

- c) za srednju stručnu spremu u iznosu 35% od osnovne plaće referenta.
- (2) Visina naknade iz stava (1) ovog člana određuje se od osnovne plaće odgovarajuće školske spreme.

**V - OBRAČUN I ISPLATA PLAĆE**

## Član 29.

(Način obračuna i isplata plaće)

- (1) Plaća se obračunava za jedan mjesec unatrag, a isplaćuje za prethodni mjesec u skladu sa važećim Zakonom o radu i u skladu sa važećim Zakonom o plaćama i naknadama u organima vlasti Kantona Sarajevo i od jedne do druge isplate plaće ne može proći više od 30 dana.
- (2) Plaća iz stava (1) ovog člana utvrđuje se rješenjem koje donosi šef Ureda, a obavezno sadrži: lične podatke državnog službenika i namještenika, radno mjesto na koje je postavljen, platni razred i sve elemente koji su uzeti u obzir za utvrđivanje visine plaće.
- (3) Podaci o plaćama državnih službenika i namještenika su javni, osim pojedinačnih isplata plaće koje nisu javne.
- (4) Sve izmjene u visini plaće vrše se rješenjem kojeg donosi šef Ureda.

**VI - ZAVRŠNE ODREDBE**

## Član 30.

(Prestanak važenja ranijeg propisa)

Stupanjem na snagu ovog pravilnika, prestaje da važi Pravilnik o plaćama i naknadama državnih službenika i namještenika Ureda za borbu protiv korupcije i upravljanje kvalitetom Kantona Sarajevo, broj 20-14-32131/19 od 02.09.2019. godine.

## Član 31.

(Stupanje na snagu)

Ovaj pravilnik stupa na snagu danom donošenja i objavit će se u "Službenim novinama Kantona Sarajevo".

Broj 20-11-32015-4/24

21. augusta 2024. godine

Sarajevo

Šef Ureda

Erduan Kafedžić, s. r.

**ISPRAVKE**

Na osnovu člana 6. stav (3) Poslovnika o radu Vlade Kantona Sarajevo ("Službene novine Kantona Sarajevo", broj 23/23 i 22/24) nakon podnesenog zahtjeva Ministarstva finansija Kantona Sarajevo za ispravku Odluke o dugoročnom kreditnom zaduženju Kantona Sarajevo ("Službene novine Kantona Sarajevo", broj 40/24), sekretar Vlade daje

**ISPRAVKU****ODLUKE O DUGOROČNOM KREDITNOM ZADUŽENJU KANTONA SARAJEVO ("SLUŽBENE NOVINE KANTONA SARAJEVO", BROJ 40/24)**

1. U Odluci o dugoročnom kreditnom zaduženju Kantona Sarajevo ("Službene novine Kantona Sarajevo", broj 40/24) u nazivu Odluke iza riječi "Kantona Sarajevo" dodaju se riječi "u iznosu 49.216.600 KM".
2. Ova ispravka objavljuje se u "Službenim novinama Kantona Sarajevo".

Broj 16-11-40270/24

14. oktobra 2024. godine

Sarajevo

Sekretar Vlade

Mersiha Šabaredžović-  
Klačar, s. r.**SLUŽBENE OBJAVE****JU "KULTURNO-SPORTSKI CENTAR  
I RADIO ILIJAŠ"**

Na osnovu čl. 31 Uredbe sa zakonskom snagom o ustanovama ("Službeni glasnik BiH", broj 6/92, 8/93 i 13/94), člana 15. Odluke o osnivanju ustanove "Kulturno-sportski centar i Radio Ilijaš" Ilijaš ("Službene novine Kantona Sarajevo", broj 2/00 i 18/10) i čl. 45. Pravila Javne ustanove "Kulturno sportski centar i Radio Ilijaš" Ilijaš broj OPU-IP- br. 509/2010, Upravni odbor na 10. sjednici održanoj 16.09.2024. godine, donosi

**ODLUKU****O IMENOVANJU VRŠIOCA DUŽNOSTI DIREKTORA  
JU "KULTURNO-SPORTSKI CENTAR I RADIO  
ILIJAŠ" ILIJAŠ NA PERIOD OD ŠEST MJESECI**

## I

Aida Muratović se imenuje za vršioca dužnosti direktora Javne ustanove "KULTURNO- SPORTSKI CENTAR I RADIO ILIJAŠ" Ilijaš na period do šest mjeseci od dana imenovanja.

## II

Imenovana će dužnost vršioca dužnosti direktora početi vršiti nakon pribavljanja saglasnosti izvršnog organa općine - općinskog načelnika Općine Ilijaš.

## III

Odluka stupa na snagu danom dobijanja saglasnosti izvršnog organa općine - općinskog načelnika Općine Ilijaš.

Broj 26-II-09/2024

16. septembra 2024. godine

Ilijaš

Predsjednica

Upravnog odbora

Mersiha Duraković, s. r.

(SI-1363/24-K)

**UDRUŽENJA / FONDACIJE**

Ministarstvo pravde i uprave Kantona Sarajevo rješavajući po zahtjevu UDRUŽENJA SPORTSKIH RIBOLOVACA "CENTAR", na osnovu člana 33. stav (2) Zakona o udruženjima i fondacijama ("Službene novine Federacije BiH", broj 45/02) donosi

**RJEŠENJE**

Prestaje sa radom UDRUŽENJE SPORTSKIH RIBOLOVACA "CENTAR", sa sjedištem u Sarajevu, u ulici Sedrenik mali broj 29, upisano u Registar koji se vodi kod Ministarstva pravde i uprave Kantona Sarajevo, rješenjem broj 03-05-05-11910/06 od dana 20.11.2006. godine, pod registarskim brojem 960 knjiga II Registra udruženja.

Broj 03-03-04-15695/24

09. oktobra 2024. godine

Sarajevo

Po ovlaštenju ministricе

Sekretar

Indira Šulović, s. r.

(198/21-K)